

7 keajaiban baru sertai Piramid Giza

LISBON, Portugal 8 Julai – Tembok Besar China, Petra di Jordan dan Patung Christ Si Penyelamat di Brazil merupakan antara tujuh monumen yang diumumkan semalam dalam senarai baru tujuh keajaiban dunia.

Empat monumen lain ialah Machu Picchu iaitu binaan sewaktu empayar Inca di Peru; Piramid Kukulkan, tinggalan empayar Maya di Chichen Itza, Mexico; Colosseum di Rom, Itali dan Taj Mahal di India.

Pemilihan tujuh keajaiban baru oleh kira-kira 100 juta pengundi dari seluruh dunia secara online itu menyaksikan jumlah "monumen ajaib dunia" kini bertambah kepada lapan termasuk Piramid Giza di Mesir.

Majlis pengumuman penuh meriah itu diadakan di Stadium Benfica, Lisbon setelah pengundian yang dibuka sejak beberapa bulan lalu oleh New Seven Wonders Foundation menerusi laman web www.new7wonders.com ditutup pada 6 Julai.

Pengumuman itu dibuat semalam sempena 7/7/07 yang disifatkan sebagai tarikh bertuah dan bersamaan dengan jumlah monumen ajaib tersebut.

Menurut pihak penganjur, pemilihan ini diadakan bagi mengiktiraf pencapaian masyarakat dari luar Eropah dan Asia Barat dalam bidang kebudayaan dan peradaban.

Senarai tujuh keajaiban dunia yang lama telah dipilih lebih 2,000 tahun lalu oleh penulis Greek terkenal tetapi ia hanya melibatkan tamadun dari wilayah Mediterranean dan Asia Barat.

Pemilihan terbaru itu menyaksikan masing-masing tiga binaan bersejarah dari Asia dan Amerika Selatan, mewarnai senarai keajaiban dunia sementara Colosseum di Itali mewakili Eropah.


Bagaimanapun, Asia masih mendahului senarai apabila Piramid di Mesir diambil kira sebagai "keajaiban unggul" dan tidak termasuk dalam senarai 21 calon akhir dalam proses undian Internet tersebut.

Pihak berkuasa Mesir sebelum ini bertegas untuk tidak membenarkan Piramid Giza dimasukkan dalam senarai calon untuk pemilihan tersebut kerana statusnya sebagai binaan paling unik serta telah pun berada dalam senarai tujuh keajaiban dunia terdahulu.


Hasilnya kini, dunia mempunyai lapan keajaiban dunia termasuk Piramid.




1



4



6



7



2

1 Piramid Giza di Mesir kekal dari senarai asal tujuh keajaiban dunia

2 Piramid Kukulkan di Chichen Itza, Mexico

3 Colosseum di Rom, Itali

4 Tembok Besar China

5 Petra di Jordan


6 Taj Mahal di India

7 Machu Picchu di Peru

8 Patung Christ Si Penyelamat di Brazil



3



5



8

Senarai Lama Tujuh Keajaiban Dunia

1 Piramid Giza

Dibina sekitar 2650-2500 SM sebagai makam Firaun dari Dinasti Khufu sewaktu tamadun Mesir kuno.

2 Taman Tergantung Babylon, Iraq

Dibina sekitar 600 SM. Dinding luar sepanjang 90 kilometer dengan ketebalan 18.2 meter dan 98 meter tinggi. Musnah akibat gempa bumi.

3 Kuil Artemis di Ephesus, Greek

Dibina pada 550 SM sebagai simbol Dewi

Artemis tetapi dimusnahkan pada 356 SM.

4 Patung Zeus di Olympia, Greek

Dibangunkan pada 435 SM setinggi 12 meter. Dimusnahkan oleh pemerintah Kristian pada kurun ke-5.

5 Makam Maussollos (Turki)

Terletak di Halicarnassus tenggara Turki, dibina pada 351 SM. Tinggi 45 meter. Rosak akibat gempa bumi sebelum dimusnahkan pada Perang Salib 1494 Masehi.

6 Patung raksasa di Rhodes

Dibina pada 292-280 SM daripada gangsa. Lambang Tuhan Helios bagi bangsa Greek dan dianggapkan sama besar dengan Patung Kebebasan di New York. Musnah pada 224 SM akibat gempa bumi.

7 Rumah Api Iskandariah, Mesir

Dibina pada kurun ketiga dengan ketinggian 135 meter. Musnah pada kurun pertengahan disebabkan gempa bumi.

- Reuters